

清客外集

晴窗外集

史 關 填 詞

清容外集

冬青樹

紅雪樓藏板



序

文章爛漫易老境難老而乾瘠非老也老而健老而腴刊
去枝葉言無餘賸此爲老境非少年學人才人所可幾及
也心餘先生所撰院本如空谷香桂林霜臨川夢若干種
流播藝苑家豔其書而冬青樹一種最後出其時落葉打
牕風雨蕭寂三日而成此書以文山疊山爲經以趙王孫
汪水雲幕府諸參軍及一切遺民爲緯采掇旣廣感激亦
切振筆而書褒貶各見此良史之三長略具於此而韻如
鐵鑄文成花粲此先生老境之文如此子由序東坡和陶

謂無老人衰憊之氣者。有如是也。予交先生時。年未及三十。其後爲翰林。名益高。文益奇。而諸子皆能讀父書。取科目。俾先生淡泊榮利。爲風雅中之巨擘焉。烏虜天之待先生。不爲薄也。此書成。首以眎子。予考文山坐卧一小樓。三年。足不履地。此見正史。而有不足信者。指南後錄。有五月十七夜大雨歌。築房子歌。七月二日大雨歌。諸詩咸道狂狴之苦。沮洳溼毒。自兵馬司移官籍監。稍爽塏。旋還所司。械項繫足。麥述丁并收公棋奕筆墨書卷。則所謂小樓者。絕無其地。先生填詞曰。天涯靜度如年日。樓中頻和少陵。

詩此蓋沿於正史也。此書除勘獄一劇餘皆實錄。故附書所知。以復於先生云爾。乾隆辛丑中秋後二日丁亥吳郡張塤石公序

自序

竊觀往代孤忠當國步已移尙間關忍死于萬無可爲之時志存恢復耿耿丹衷卒完大節以結國家數百年養士之局如吾鄉文謝兩公者嗚呼難矣哉秋夜蕭然不能成寐剪燈讀冬青樹院本三十八首三日而畢撫拾附會連綴成文慷慨歌呼不自能已庾信之賦哀江南曰惟以悲哀爲主殆或似之經曰歲寒然後知松柏若兩公者卽以爲冬青之樹誰曰不宜辛丑八月離垢居士書

冬青樹目錄

卷上

提綱

勤王

畫壁

留營

寫像

急遁

納款

辭官

賣卜

發陵

收骨

局逃

得朋

疑逐

題驛

航海

私葬

夢報

開府

卷下

轉戰

厓山

和驛

生祭

抗節

守正

小樓

浩歌

神迓

柴市

却聘

遇婢

餓殍

碎琴

野哭

歸櫬

菴祭

西臺

勘獄

卷下

換酒

沐養

夢祥

閑情

郊骨

鼠蟻

醉眠

焚香

陽春

急鼓

燈燭

補骨

賣小

舞劍

掛牌

戲王

畫壁

留聲

歌辭

卷上

冬青樹目錄

冬青樹

鉛山 蔣士銓 填詞

第一齣 提綱

滿江紅。半壁江山。比五季朝廷尤小。誰擔荷。中興王業。偏安城堡。立馬吳山詩再詠。鏖兵赤壁風還裊。廟堂中覆局。忍尋着。棋輸了。垂簾后。修降表。登庸主。諸孤藐。碎金甌。守無參。政戰無招討。謀國夫多難。定亂擎天柱。弱終推倒。殉金湯。文謝兩孤臣。江西老。

謝太后晚年祝髮

趙王孫新國稱臣

文丞相燕臺殉節

謝招討古寺招魂

第二齣 勤王

正官 破齊陣

生冠 帶上

半壁江山世界一生忠孝情懷天地難

知科名有媿竊喜局堂健在誰挽風雲銷戰壘自把笙歌

勸壽杯

咳

乾坤無限哀

〔集唐〕管葛本時須經綸中興業有志乘鯨鰲南紀阻歸

櫂下官文天祥本名宋瑞江西廬陵人也甫冠一載忝

中寶祐四年進士。遂叨廷對第一。例授京職。游歷中外。
今官江西安撫使。兼權兵部侍郎。不覺行年四十矣。無
奈兵鋒未靖。竊位不安。所幸老母康寧。地方寧輯。院子。
雜有。生酒席已備。請太夫人上堂。雜太夫人有請。二婢
扶老旦上。

引子。新荷葉。祿養鄉闕。慰老懷。封大國。萊衣呈彩。旦夫人上。
花前調膳賦南陔。官衙晝永春如海。生母親萬福老旦我
兒。祖姑喪服初周。你仰承朝命。再撫鄉邦。不知日來北
兵消息如何。使我十分繫念。生母親請自寬懷。孩兒特

具卮酒爲母親介壽。老旦生受你。生院子喚家樂承直。
雜是家伶們走動。四女伶上。女伶們叩頭。生日合奉酒。
介雜請上酒。

過曲

玉芙蓉笙簧綺席開。杖履家祥藹。正顏和觴舉。日永蘭

陔。聽歌聲響遏停雲待。舞袖花移戲鶴來。生夫人我愁無

奈。聽貔貅漸來。怕微軀倉皇赴敵。漫安排內傳鼓介。雜啟

爺詔到。老旦撤去筵席。我兒出去。乾坤板蕩。方多事。骨

肉團圓。且及時。引旦婢伶人下。末捧詔上。聖旨下。跪聽

宣讀。詔曰。先帝傾崩。嗣君冲幼。吾年衰耄。勉御簾帷。曾

日月之幾何、凜冰淵之是懼、憤茲勁旅、闖我長江、乘隙
抵巇、誘逆犯順、慨國步之艱危、皆吾德之衰薄、天心仁
愛、示以星文而不悟、地道變盈、警以水患而不思、田里
愁歎之聲、莫知省憂、介冑飢寒之色、莫知撫慰、嗚呼三
百餘年之德澤、入人也深、百千萬姓之生靈、祈天之佑、
亟下哀痛之詔、庶回危急之機、尙賴文武之臣、食君之
祿、不避其難、忠義之士、敵王所愾、以獻其功、體上天垂
祐之意、起諸路勤王之師、勉策勲名、不吝爵賞、詔諭所
到、想宜知悉、生痛哭介萬歲萬歲、天使少待、末朝命

緊急就此告辭下生阿呀不料國事竟至于此我文天
祥官樹牙旗志存馬革敢不戮力勤王提兵破敵也吩
付中軍起鼓合五營四哨人馬齊集轅門聽令一面吩
付主管將我所有家財以一半賞現在軍卒以一半招
募新兵不得有違大小三軍就此起馬星夜馳赴臨安
者衆得令合

朱奴剔銀燈看韓范初登將臺把朝宁威靈擁戴旌旗所
指蟲沙駭撼山岳嫖姚營寨王師在是從天降來笑談間
把豐功偉績共摩崖下

第三齣 畫壁

老旦尼裝上一袈裟地水雲鄉、盡日攤經掃石床、俯吸
湖光飲山綠、定中聞得木樨香、貧尼天聖寺住持是也、
聞說今日趙王孫、同管夫人到小菴、隨喜須索烹茶伺
候、下小生王孫裝乘馬小旦淡裝御車奴婢隨上

南呂引子 于飛樂合 御香車乘寶馬、正紅杏枝頭春鬧、算節候
清明將到、趁衣香、尋鬢影、東風猶峭、看天涯芳草護蘋洲、
裙腰暗繞、

小生花信風和暖乍融、尋春天氣漫匆匆、小旦青旛暗

引王孫騎笑向郊原踏軟紅、小生俺乃秀安僖王六世
孫趙孟頫是也、夫人你看韶華爛熳、仕女嬉遊、風日暄
和、江山清美、和你往天聖寺踏青一回、不知有此興致
否、小旦妾身正有此意、就此同行、小旦院子、引車馬向
天聖寺去、末應行介合

梁州新郎魚屏半啟、花幡斜颺、中有光明龍象、晨鐘纔定、
梅檀細裊晴光、老旦迎接王孫、小生免勞了、上香同拜
介頂禮菩提金界、正覺因緣、稽首人天相、優曇開展處、妙
蓮香、願早賜蘭閨夢吉祥、楊枝畔鸚哥唱、報麒麟明日從